



Providència, 42  
08024 BARCELONA (Països Catalans)  
+ 34 93.284.36.34 | caoc@caoc.cat | <http://www.caoc.cat>

## **BASAS DEL 5n CONCORS DE RACONTES BRÈUS EN OCCITAN «ENRIC GARRIGA TRULLOLS»**

### **E DE LA 1a EDICION DEL CONCORS D'ENSAGS E ARTICLES «D'AURA EN AURA»**

1. Lo CAÒC, Comitè d'Aframent Occitano-Catalan, organiza lo **5n CONCORS DE RACONTES BRÈUS «ENRIC GARRIGA TRULLOLS»** e lo **1r CONCORS D'ENSAGS E ARTICLES «D'AURA EN AURA»**. Aquestas doas convocatòrias son dobèrtas a totes.

#### **2. Tèma e variantas:**

2.1. **La matèria e lo genre dels racontes es liure:** fantastic, istoric, d'aventuras, policièr...

2.2. **Los ensags o articles, de caractèr non-fictiu, son dobèrts a totes las manifestacions de l'occitanitat:** de l'etnografia a la tradicion culturala e lo patrimòni, en tot passar per l'istòria, la recèrca, las relacions occitanocatalanas, etc.

2.3. Totes las variantas de lenga occitana son benvengudas, dins lo respèch dels principis alibertins per çò qu'es la grafia.

3. **Cada candidat poirà presentar solament un tèxt original e inedit per caduna d'aquelas doas convocatòrias.** Cal que lo(s) tèxt(es) siá(n) pas estat(s) presentat(s) a cap altra convocacion literària, tant qu'aqueste concors serà dobèrt.

4. **Per quant a l'extension,** los **racontes** devon aver entre 10.000 e 12.000 caractèrs, e los **ensags e articles** entre 8.000 e 10.000 –espacis en blanc compreses–, letra Arial 12 e interlinhat 1,5. Los trabalhs se pòdon presentar en archiu Word, Office Writer o Pdf, totjorn signats amb un escais-nom e indicacion del concors ont son presentats. Cal obligatòriament un títol. [ Escais-nom\_títol ]

5. Dels racontes e los ensags o articles, **los concorsants ne mandaràn l'original en supòrt numeric (per email), al mai tard lo 2 d'abril de 2024**, a l'adreça seguenta: caoc@caoc.cat

Coma subjècte, caldrà marcar «5n concors de racontes brèus» o «1r concors d'ensags e articles». **Dins lo còrs del messatge caldrà balhar las donadas personalas e l'escais-nom causit (nom e prenom, carta d'identitat, telefòn, adreça postala, concors concernit, títol del raconte e escais-nom).**

Lo CAÒC confirmarà per email la recepcion de l'original.

Los concorsants gardaràn totjorn lor anonimat.

**6. Jurada:** La resolucion dels dos concorses es l'afar d'una jurada formada per professors del CAÒC, ensenhaires e escrivans, qu'a lo drech de declarar desèrts los prèmis, compte tengut de la qualitat dels tèxtes presentats.

## 7. Prèmis:

7.1. Un primièr, un segond e un tresen prèmis seràn atribuïts al Concors de racontes brèus «Enric Garriga Trullols»:

- Lo/la ganhaire/a del primièr prèmi aurà lo drech de s'inscriure a gratis (borsa CAÒC) a l'Escòla Occitana d'Estiu, que se ten a Vilanuèva d'Òut.
- Lo/la ganhaire del segond prèmi aurà lo drech de s'inscriure a gratis a un cors del CAÒC, plus 50 €.
- Lo/la ganhaire del tresen prèmi aurà lo drech de s'inscriure a gratis e pendent un cors al «Cors de convèrsa en occitan» (presencial o en linha) e recebrà l'abonament a gratis pendent un an de la revista de cultura en occitan «Lo Diari».
- Totes los racontes premiats seràn publicats en libre per lo CAOC.
- Totes los participants recebràn un diplòma de participacion e un present.

7.2. Un primièr e un segond prèmi seràn atribuïts al Concors d'Ensags e articles «D'aura en aura»:

- Lo/la ganhaire/a del primièr prèmi aurà lo drech de s'inscriure a gratis (borsa CAÒC) a l'Escòla Occitana d'Estiu, que se ten a Vilanuèva d'Òut.
- Lo/la ganhaire del segond prèmi aurà lo drech de s'inscriure a gratis a un cors del CAÒC.
- Tant que serà possible, los dos ensags o articles premiats seràn publicats on-line dins una revista de l'airal occitanocatalan.

8. Es al CAÒC qu'aperten lo drech de publicar los tèxtes premiats e d'autres e de ne far difusion.

**9. Lo verdicte de la jurada serà publicat dins la wèb del CAÒC lo 15 de mai de 2024.**

**10. La remesa del prèmi serà dins un acte public.** Per çò qu'es del luòc e la data, seràn anonciats quand vendrà lo moment. Los guerdonats e finalistas seràn avertits per corrièr electronic.

**12.** La jurada pòt demandar a l'autor de far qualques modificacions ortograficas o de sintaxi a son tèxt, se deviá èsser publicat. Los concorsants premiats accèptan que lors tèxtes sián difusats per parts o entièrs, en papièr o per Internet, sens cap de remuneracion. N'accèptan tanben d'autres usatges de tòca non lucrativa, coma lecturas publicas o l'emplec pedagogic pel CAÒC. Los autors gardan per tant lo drech de se servir de lor tèxt, amb la resèrva de mencionar qu'es estat premiat pel CAÒC.

**13. La participacion al concors entraïna l'acceptacion totala e sens resèrva d'aquestas basas.**

**14. Los organizators se resèrvan lo drech de modificar o anullar lo concors se las circumstàncias o fan necessari.** La jurada se resèrva lo drech de declarar desèrts los prèmis se, a son vejaire, la qualitat dels tèxtes prepausats es insufisenta.